



古典詩

栗由思

民國二十年生

政戰學校政治系畢業

曾任／

軍報記者

長江月刊主筆等

# 柳風詩選

古典詩組佳作

栗由思

## 蘆花

極浦香飄淡欲無 風標自與眾芳殊

閑衣伍劍高千古 點綴秋江美畫圖

## 樹下聽蟬

汝以高難飽 哀鳴信有因 憐伊玄鬢客

嗟我白頭人 葉底生涯淡 林間歲月新

偶來槐蔭下 近聽更傷神

## 初夏即事

試葛迎新夏 尋詩上翠微  
偶來脩竹下 坐看白雲飛

## 吟秋憶往

金風又向玉門過 萍梗生涯感若何  
白帝無情秋欲老 紅塵有愛恨偏多  
草堂飯顆唐工部 蕙苴明珠漢伏波  
往事不堪重記取 卅年虎帳劍空磨